



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio X.

urn:nbn:de:hbz:466:1-15653

quam diem statuit & ordinat proximam sessionem, pronuntiationem per patriarcham Alexandrinum die vigesima septima dicti mensis Maii 1409. in sacro Concilio generali Pisis celebrato.

ANNO
CHRISTI
1409.

SESSIO X.

Die Mercurii adueniente, quæ fuit vigesima secunda mensis Maii, celebrata Missa, & illis quæ ad diuinum officium spectant, procurator ecclesiæ fecit per aduocatum proponi, quod domini cardinales Laudensis & sancti Angeli senior, & alii prælati, & domini dati commissarii ad examinandos testes, & recipiendas probationes & instrumenta contra duos improbe contententes de papatu, testes audiuerant, & in scriptis redigi fecerant per notarios ordinatos per Concilium, aliasque probationes & instrumenta ad causam facientia receperunt, erantque parati legitimam facere relationem per vnum ex ipsis prælati commissariis, videlicet per organum domini archiepiscopi Pisani, si Concilio placeret. Et respondit Concilium, placet. Quo facto dictus aduocatus nomine quo supra, petiit & requisivit, quatenus dicti contententes essent vocati ad hanc diem, ad audiendum testium publicationem; & quod domini cardinales cum aliquibus prælati & aliis more solito irent ad fores ecclesiæ, & eos vocarent, aut si essent præsentis, vel aliquis pro ipsis: & de hoc fecerunt relationem in pleno Concilio, quod sacro Concilio placuit. Et tunc domini cardinales de Columna & sancti Angeli cum aliis pluribus prælati & doctoribus ac notariis iuerunt ad valuas ecclesiæ, & alta voce petierunt, an contententes de papatu, vel eorum alter, aut etiam aliquis pro eis adesset. Quibus sic factis, ad Concilium redeuntes, retulerunt, nec contententes adfuisse, nec aliquem pro eis comparuisse. Qua de causa, quoad istum actum, per Concilium fuerunt reputati contumaces: & fuit conclusum, quod erat ulterius procedendum ad relationem & publicationem, eorum contumacia non obstante. Et statim dictus archiepiscopus Pisanus cum vno notario sacri Concilii ascendit pulpitem, in quo proposuit, quod de mandato dominorum commissariorum suorum collegarum erat ordinatus ad faciendum relationem & publicationem sub tali

ANNO
CHRISTI
1409.

forma : Quod dictus notarius speciatim legeret singulos articulos, alias datos & lectos in pleno Concilio, contra dictos contendentes, ita quod super quolibet articulo seorsim & separatim dictus dominus archiepiscopus Pifanus adaptaret testes super articulos productos, designando numerum & qualitates, status, gradus, dignitates & præminentias singulorum testium : & ita factum est. Et quia dictus notarius hac die legit articulos vsque ad numerum viginti, & in quolibet articulo faciebat pausam; & postmodum archiepiscopus Pifanus dicebat sic: Iste articulus est probatus tamquam verus, manifestus & notorius, per quindecim testes, quorum quatuor sunt cardinales, vnus patriarcha, quinque episcopi, & quatuor doctores, & vnus licentiatus in decretis: & quandoque dicebat, quod articulus erat probatus per decem, aliquando per viginti duo, aliquando per viginti quinque, aliquando per duodecim, aliquando plus, aliquando minus. Ita tamen quod non fuit articulus, quin esset probatus verus ad minus per quinque testes omni exceptione maiores. Et quia tunc erat tarde, Concilium continuauit istum actum, ad procedendum vlterius, & consequenter in negotio præfenti, ad primam diem, quæ erat vigesima tertia mensis Maii.

SESSIO XI.

Die vigesima tertia Maii adueniente, seruatis solennitatibus & ceremoniis consuetis, notarius qui de prædictis articulis viginti legerat, continuando materiam, legere cœpit articulos sequentes vsque ad numerum triginta septem inclusiue: & postmodum legit quoque alios paucos articulos, & in continenti archiepiscopus Pifanus ad quemlibet articulum adaptabat probationes, eo modo quo dictum est in præfenti sessione. Quibus completis, aduocatus ecclesiæ ascendit pulpitem, & proposuit, vt sequitur.

Reuerendissimi in Christo patres, audiuiſtis sufficienter & plenam relationem heri & hodie factam hic in vestrum & totius sanctæ Synodi præfentia, recitatam per reuerendissimum patrem dominum archiepiscopum Pifanum, de mandato & auctoritate reuerendissimorum dominorum